

正信念仏偈 (行譜)

● 歸命無量壽如來

南無不可思議光

法藏菩薩因位時

在世自在王仏所

觀見諸仏淨土因

国土人天之善惡

建立無上殊勝願

超發希有大弘誓

五劫思惟之授受

重誓名聲聞十方

普放無量無辺光

無碍無對光炎王

清淨歡喜智慧光

不斷難思無称光

超日月光照塵刹

一切群生蒙光照

本願名号正定業

至心信樂願為因

成等覺証大涅槃

必至滅度願成就

如來所以興出世

唯說弥陀本願海

五濁惡時群生海

応信如來如実言

能發一念喜愛心

不斷煩惱得涅槃

凡聖逆謗齊回入

如衆水入海一味

攝取心光常照護

已能雖破無明闇

貪愛瞋憎之雲霧

常覆眞實信心天

譬如日光覆雲霧

雲霧之下明無闇

獲信見敬大慶喜

即横超截五惡趣

一切善惡凡夫人

聞信如來弘誓願

仏言廣大勝解者

是人名分陀利華

弥陀仏本願念仏

邪見憍慢惡衆生

信樂受持甚以難

難中之難無過斯

印度西天之論家

中夏日域之高僧

顕大聖興世正意

明如來本誓応機

釈迦如来楞伽山

為衆告命南天竺

龍樹大士出於世

悉能摧破有無見

宣說大乘無上法

証歡喜地生安樂

顯示難行陸路苦

信樂易行水道樂

憶念弥陀仏本願

自然即時入必定

唯能常称如来号

応報大悲弘誓恩

天親菩薩造論說

歸命無碍光如来

依修多羅顯真実

光闡横超大誓願

広由本願力回向

為度群生彰一心

歸入功德大宝海

必獲入大会衆数

得至蓮華藏世界

即証真如法性身

遊煩惱林現神通

入生死園示応化

本師曇鸞梁天子

常向鸞処菩薩礼

三蔵流支授浄教

焚焼仙經歸樂邦

天親菩薩論註解

報土因果顯誓願

往還回向由他力

正定之因唯信心

惑染凡夫信心発

証知生死即涅槃

必至無量光明土

諸有衆生皆普化

道綽決聖道難証

唯明浄土可通入

万善自力貶勤修

円満徳号勸専称

三不三信海慇懃

像末法滅同悲引

一生造惡値弘誓

至安養界証妙果

善導独明仏正意

矜哀定散与逆惡

光明名号顯因縁

開入本願大智海

行者正受金剛心
慶喜一念相應後
与韋提等獲三忍
即証法性之常樂
源信広開一代教
偏歸安養勸一切
專雜執心判淺深
報化二土正并立
極重惡人唯称仏
我亦在彼攝取中
煩惱障眼雖不見
大悲無倦常照我

本師源空明仏教
憐愍善惡凡夫人
真宗教証興一片州
選拔本願弘惡世
還來生死輪轉家
決以疑情為所止
速入寂靜無為樂
必以信心為能入
弘經大士宗師等
拯濟無辺極濁惡
道俗時衆共同心
唯可信斯高僧説